

هَيْثُ أَصْحَابُ كَرِيمٍ

تراجم احوال فقرا

مشاهیر اصحاب کرام و فقهای عظام و مجتهدین ذوی الاحترام
حضراتند بنیّش یکی ذات فضائل و کمالات تراجم احوال و مناقب
شریفه لرینی و اقوال حکمت اتسام لرینی حاکیدر .

باب والای مشیختینا هدیده منه قد تدقیق مؤلفات انجمن عالیہ ذلک تدقیق و تصدیق
و معاری همومیه نظارت جلیله سنک ۱۲۶ نومرو و فی ۲ محرم سنه ۱۲۱۹ و فی امایس
سنه ۳۱۷ تاریخی رخصتنامه - یله طبع اولمشدر




محرری: حلمی زاده ابراهیم رفعت

طبع ثانی



دارالخلافة العلیة — ۱۳۲۳



مقدمه


دین جلیل اسلامه خدمات مبروره لری سبق ایدن مجتهدین
عظام حضرتانک تراجم احوالی — که هربری بر مرآت
شئون علویتدر — انسان، معالی و جدانی، فضائل اخلاقی
تصویر ایدن اوعلی صحیفه لره چشم عبرتله باقه جق اولور ایسه
نظرنده زهد و تقوادن مصنوع برچوق اجسام نور تجسم ایدر.
کیمی خشية اللهدن صباحلره قدر ناله تضرعاتی رفع بارگاه
احدیت ایلمش، کیمی وفات ایتدیکی زمان جنازه سنده یوزبیکلرجه
کشی حاضر بولنش، نهایت خاک سیاهه بورونه رک بتون ابنای
نوغنی غریق ماتم ایلمشدر. کیمی ده عبادات و تحصیل علم
اغورنده او یوماق ایچون صباحه قدر اثوابنه صفوق صولر
سریمک صورتیله وظائف عبودیتی ایفایه چالیشمشدر. او یله
سوزلر سویلمشدرکه هربری برر درس عالی حکمتدر. بر
مؤمن بوکتانی او قودیمی کویا مکتب ادب و مدرسه عرفانک
اک منتهی صنفندن چیقمش برشا کردکی تصفیة وجدانه و تهذیب
اخلاقه نائل اولور. فمدرر بارلرندن او یله عالمانه سوزلر صادر
اولمشدرکه هر جمله سی بر مجموعه ادب تشکیل ایلمش و مربی

روح و مزکی نفوس اولمشدر. جواهر حکمت و عرفانی نشرده
 نه درجه ده مساعی مقدمانه لری سبق ایتدیکی جزئی بر تأمل ایله
 کور بلور. کافه احوالده کلام الله و سنن نبویه بی بردستوز اتخاذا
 ایلمشدر. خورشید معرفت انوار فیاضانه سیله انظار امتی
 تنویر ایتدیکی زمان او زمین کمالات جمعیت بشر آره سنده
 آسایشک ادامه و تأییدی ایچون خوارق افکار عادلانه و حکیمانه
 ایله او یله قوانین تنظیم و نظامات تحریر ایدلمشدرکه انسان بو کاله
 قارشی سبابه خای حیرت اولور. ظهور اسلامدن مقدم بر
 طاقم شایان تعجب نظامات وار ایدی که بر یرده مزیت عد
 اولنان دیگر یرده خیانت صاییلور ایدی. البته لله شریعتمز
 نفس الامرده هانکی سنک خیانت و هانکی سنک مزیت اولدیغی
 کو سترمشدر. حق الانصاف دوشونیهلک اولورسه شریعت
 اسلامیه دن اوسع و اعدل بر قانون بولنه ماز. فقهای امتک
 کلام عارفانه لری دقتله صحیفه ذهنه آلا نلر لطیف و روح آور
 علوی بر سکونه طالارلر و وجودلری بر ستر کمالات قابلار.
 نام استادانه لری تجیل ایله یاد اولنان بوفقهانک مسلك حقیقت
 و حکمتلری فضائل وجدانییه نمونه حکمتدر. جرح و ابطالانه
 امکان بولنه ماز. ایشته بزده عاجز لکمزه باقیه رق اصحاب نبی
 ذیشانندن بده ایله مشاهیر فقهانک تراجم احوالی یازیوروز.
 خط الیمزک عفونی رجا ایدرز. حاصلی بونلرک بیلنمسی
 هر مسلمان لازمدر. جناب حق جلالل آثار عمرانپرورانه سیله

علویتی بتون قلوب امتده جایگیر اولان پادشاه معرفت اکتناه
و خلافتیناه دل آگاه السلطان ابن السلطان السلطان الغازی
﴿تبدالحمد﴾ خان ثانی افندمن حضرتلرینی اریکه سسلطنت
سفیهلرنده برقرار بیورسون آمین .

حلمی زاده : ابراهیم رفعت





مشاهیر اصحاب کزیمہ

و

تراجم احوال فقہرا

- ۲۹۴ -

اصحاب کرام و فقہای عظام حضراتنک اقوال
منیفہ لریلہ تراجم احوال شریفہ لرندن باحثدر .

مدخل

فقہای عظام حضراتی یدی طبقہ یہ آیرلمشدر :
برنجیمی : مجتہد مطلق طبقہ سیدر . بونلر ادله اربعہ
اولان « کتاب » سنت ، « اجماع » قیاس ، ایله مسائل شرعیہ یی
استخراج ایدرک اصولده ، فروعدہ هیچ کیمسہ یہ تابع دکالردر .
مشار الہم فقہای سبعہ و اصحاب کرامدن مجتہد مطلق اولان
ذوات ذوی الاحترام ایله ائمہ اربعہ و سائرہ دن عبارتدر .
ایکنجی طبقہ : مجتہد فی المذهب اولان ذوات کرامدن
امام یوسف ، امام محمد ، امام زفر حضراتی کبی کہ بونلر

ادله شرعیه ایله استخراج احکام ایدرلر ایهده اجتهاد استدکلیری احکام شرعیه مجتهد مطلقک اجتهداینه مخالف اولماق لازمدر. قواعد اصولیهده تقلید ایتک صلاحیتی حائزدرلر ، حالبوکه مجتهد مطلق اولانلر قواعد اصولیهده هیچ کیمسهیه تقلید ایتمز لر . بوجهتدن ممتازدرلر .

اوچنجی طبقه : بو طبقه اصحابی نه مجتهد مطلق ، نهده مجتهد فی المذهبدرلر . شو قدر وارکه نص قاطع بولنمیان یرلرده مجتهد مطلقک اصولنه تبعاً احکام استنباطنه مأذونددرلر ، اما بو استنباط مجتهد مطلقک اجتهداینه مخالف اولماملیدر . ابو جعفر الطحاوی و ابو الحسن الکرخی ، شمس الائمه الحلوانی ، شمس الائمه السرخی ، فخرالدین ، فخر الاسلام حضراتی هپ طبقه نالته دندر .

دردنجی طبقه : بونلره اصحاب تخریج اطلاق اولنور . اجتهدلرنده مستقل اولدقلری کبی مجتهد مطلقک مذهبندن احکام دخی استخراج ایده مز لر . آنجق درجه ثانیهده بولنان مجتهد مذهبنک بعض اقوالی ایضاح و تأویل ایده بیلنمکه مأذونیتلری واردر . فخرالدین رازی بوجه دندر .

بشنجی طبقه : بو طبقه اصحابی بعض مسائلک رجحان و علوی حقنده بیان مطالعه ایدرلر . بوکبی مسئلهلر حقنده تفصیلات ویره بیلورلر . صاحب فیروزی و صاحب هدایه کبی .

آلتنجی طبقه : بونلر بر چوق علمای کرامدن عبارت

اولوب اصلا مستقل بر رأیه مالك دكلردر . شو قدر وار كه بر مسئله نك قوی وضعیف اولدیغنی تعیین وبر روایتك ظاهر و غیر ظاهر اولدیغنی بیان ایده بیلرلر . صاحب مختار و صاحب وقایه بو طبقه دندر .

یدنجی طبقه : مؤلفین قسمیدر . هیچ بر رأیه کیریشمز لر . مجرد فقهای عظامك اجتہادات واقوالنی کتابلرنده بیان ایده بیلرلر . ملا خسرو وابن کمال پاشا بو طبقه اربابندندر .

مذهب صنفك حاوی اولدینی مسائل اوچ قسمدر :


برنجیسی : مسائل اصولیدر كه ظاهر الروایه در . بوده صاحب مذهب امام اعظم و امام یوسف و امام محمد حضراتی كی فقهاء اجتہادندن روایت اولنان مسائلدنر . آنكه چون بونلره علمای ثلثه تعبیر اولنور . بومسائله ظاهر الروایه دینلمسی امام محمددن متواتر آنقل ایدلدیكی ایچوندنر .

ایكنجی قسم : مسائل نوادر در . بوده مجتهدلر طرفندن منقول ایسهده روایات موثوقه درجه سنه وارمدیغندن نوادر دینلمشدر . بونك ایله برابر مجالس فقهاء جریان ایدن مسائل تلامیذ طرفندن ضبط و تحریر اولنش ایسهده شمعی اهلی قالمشدر .

اوچنجی قسم : فتاواده مذکور مسائلدنر . واقعات دخی دیرلر . بوده متأخرین مجتهدینك روایت ایتدكیری مسائلدنر . مجتهد مطلقدن برسوزه دسترس اولنه مامش ایسهده سوزلری سند مقامنده اولان ذوات طرفندن جمع ایدلمشدر .

بوائره افتفاء ایلک اوکجه قنوی کتابی یازان (فقیه ابواللیث..
 السمر قندی) درکه «نوازل» نامنده کی کتابی وجوده کتیر-
 مشدر . روایت اولندیغنه کوره ائمه مجتهدیندن ابتدا فقه
 شریفه دائر کتاب تألیف ایدن امام محمد حضر تلیدر . کذلک
 «جامع الکبیر» «مبسوط» «زیادات» «سیر کبیر» «امالی» «رقیات»
 «کیانیات» «هارونیات» «جرجانیات» مشارالیه حضر تلیزیننه عائددر .
 «جامع الصغیر» و «سیر کبیر» ده کی مسائله ظاهر الروایه و مشهور الروایه
 دیر لر . «مبسوط» ده کی مسائل اصلیدر . «زیادات» و «جامع الکبیر» ده
 اولانلره روایت اصول تعبیر اولنور . نوادر (جرجانیات) ،
 (هارونیات) ، (کیانیات) ده اولان مسائله غیر ظاهر الروایه
 اطلاق اولنور . جرجانیات امام محمدک جرجانده جمع ایلدیکی
 مسائلدر . کیانیات (کیان) نام ذاتک امام محمددن نقل ایتدیکی
 مسائلدر . بوند کیلر غیر ظاهر الروایه در . هارونیات (هارون)
 نام ذاتک طویلادیفی کتابدر . رقیات (رقه) ده قاضی اولان ذاتک
 امام مشار الیهدن اخذ ایلدیکی مسائلدر . «امالی» دخی اثنای
 تدریسده طلاب طرفندن استنساخ اولنانلره دینور .





عبداللہ بن مسعود رضی اللہ عنہ حضر تری

صحابہ نینک سرتاج ابتہاجیدر . هرکون وجه عالی جناب پیغمبری بی کورمک و حضور مسعدت نشور حضرت رسالت پناہیدہ بولنق شریفہ مباهی اولور ایدی . افقہ فقهای اصحاب اولمغلہ برابر مسند جلیل اجتہادی دخی احراز ایلمشدر . مشارالیه اسلام اولان ذوات کرامک آلتنجیسیدر . ایکی دفعہ حبشستانہ کیمش و (بدر) محاربه سنده بولنمش ایدی . نزد معالیوفد حضرت فخرالرسالہ کنندیسنہ اودرجه شرف امتیاز ویرلش ایدی کہ اکثر امورده پیغمبر ذیشان علیہ الصلاۃ والسلام افندمزک شرف مشورتلرینہ نائل واسرار جلیلہ پیغمبرینک اکثریسنہ واقف اولور ایدی .

سخا و نظا فندہ سنن رسوله اتباع ایتمکده ایدی . حضرت عمر (رضی اللہ عنہ) ک خلافتی زمانندہ کوفندہ قاضی اولدی . حضرت عثمان رضی اللہ عنہک عهد عالیسنده مناصب دنیویہ دن فراغت ایلدی . مدینہ منورہ ده آلتمش یاشندہ اولہ رق دار بقایہ ارتحال ایتدی ، اورادہ مدفوندر . چوق و قتلر خدمت جلیلہ حضرت پیغمبریده بولنہ رق نعلین رسول اللہی گذرکاهنہ براقیر و بو وسیلہ ایله التفات جهاندرجات جناب پیغمبری یه نائل اولور ایدی . آره صرہ اثواب نبی لابس اولدینی حالده زقا فندہ

الندہ عصا اولہ رقی نئی ذیشانک اوکنہ دوشر ، حجرۂ سعادتہ
 قدر کلودی . مشارالیه اقرب رسول اللہ در . وجود عالیہی
 غایت ضعیف و ساقینی اینجہ ایش . رسول اکرم برکون اصحابہ
 خطاباً : « سز ابن مسعودک وجودجہ ضعیف اولدیغنه باقیکنز .
 میزانده جملہ کزدن آغردر » بیوردیلر . نافله نمازی چوق
 قیلار ایش . وجودجہ متحمل اولدیغندن سنہده الہی بش
 کوندن زیادہ صائم اولہ ماز ایدی . نمازی ہر شیدن زیادہ سور
 ایدی . حتی برکیجہ خانہ سندنہ نماز قیلحق اوزرہ ایکن حضرت
 عمر رضی اللہ عنہ کنندیسنی دعوت ایش . جواباً : « یا عمر ، نمازلریمی
 بشیرمینجہ کلہم ، دیمشدر . (ابو موسی الاشعری) : « ابن مسعود
 برحیات ایکن بندن برشیء صورمیکز » دیمشدر . برکون ذات
 مبارک لرینہ « نزد کزده هانکی علم مقبولدر ؟ » دیبہ سؤال ایتدیلر .
 « علم قرآن و علم سنتی غایت سورم ، دیبہ جواب ویردی . مشارالیه
 فوق العادہ قوۂ حافظہ و ملکات عقلیہ مالک ایدی » حامل قرآن
 کریم اولانلر حلیم و جسور اولملی و دائمًا محزون بر حالده
 بولملیدر لر * بیورلردی * انسان حقیقت ایمانہ واصل
 اولہ ماز ، الانزدندہ حلالدن اولان فقر حال ، حرامدن
 کلان زنکیئلکدن خیرلی اولملیدر * انسان کامل مدح
 و ذم عندندہ مساوی اولاندر * کیجہ و کوندوز

تحويل ايدر، احوال دكيشير، امانت اهلنه اعاده
 اولنور* خير زرع ايدن بيوك محصول آير، شر
 اكن ندامت بيچر* جمل حكيمه سي مشاراليه حضرتلرينك
 اقوال عارفانه وزاهدانه سنددر. بركون براعرابي كلهرك:
 «يا ابن مسعود! بكا برشيء تعليم ايله كه جميع منافعي جامع اولسون
 دنياده و آخرتده نجات بوله يم» ديدى. ابن مسعود اعرابي به خطاباً:
 *جناب خالقه اصلا شرك قوشمه؛ كتاب الله وسنن نبى
 ايله عامل اول* باطل كلور سه رد ايله، حقى قبول ايت*
 بيورديلر. بركون كرسيء علىء خطابتده، «دنياده بيوك فئالق شرت
 لساندر. قلب واردركه شهوت اقباله مالكدرد. منز قبلبرى
 شهوت زماننده اغتنام ايله يك» بيورمشلردرد. بركون ذات
 مباركلرينه: «يا ابن مسعود! امر بالمعروف ونهى عن المنكره رعايت
 ايتينلر هلاك اولور، ديمشلىر ايدى* خير، قلبنى معروف.
 ايله املا ايتينلر هلاك اولور* جوانى ويرمشلردرد. شيخ
 محي الدين النووى حضرتلرينك روايتلرينه كوره عبدالله
 ابن مسعود سكر يوز قرق سكر حديث شريف روايت ايلمشدر.
 مشاراليه خسته لككرنده حضرت عثمان (رضه) صورت مخصوصده.
 ياننه كلوب «حال احتضارده بولنمقده نهدن شكايه ايدى بيور سكر
 ونهيه اشتها كز واردرد؟» ديدى. جواباً «كناهمدن شكايه

ایدیورم، رحمت الہیہ بی ایسترم، بیوردیلر. «برطیب جلب
ایدهلمی؟» دینجہ «حاجت یوق، بنی خستہ ایدن طیبدر،
جوابندہ بولمشدر. مشارالیه حضرتلرینک قیز اولادی زیاده
ایدی. حضرت عثمان (رضه) قیزلرکزه نہ براقدیکنز؟ آنلرک
معیش-تلی طاردر، دیمسیله «بن انلره سورہ واقعہ بی تعلیم
ایلدیم. بن جناب پیغمبر (صلم) دن ایشتم کہ * ہرکیم کیجہ-
لری آقشامدن صکرہ سورہ واقعہ بی تلاوت
ایدرسہ فقر وفاقہ یہ دوچار اولماز * جوابی ویرمشدر.
مشارالیه سحرده شودعایی او قورلر ایش: (اللہم دعوتی
فاجبتک وامرتی فاطعتک و هذا من فاعفرلی یا ارحم الراحمین)
مائی: * یارب بنی دعوت ایلدک اجابت ایتدم، بکا
امر ایلدک بندہ اطاعت ایتدم، بو وقت منتدر
یا ارحم الراحمین بنی عفو و مغفرت ایت * ابن مسعودک
کنیہ سی (عبدالرحمن) در.





عبدالله ابن عباس رضی الله عنه حضر تلمی

بو ذات ملکیمات اصحاب رسول میاننده لسان احترامله
یاد اولمشدر .

تفسیر ، حدیث ، فقه ، حساب و فرائض مثللو علوم عالیهده
ید طولی صاحبی اولدینی بتون اصحاب کرامجه مسلندر .
جناب نبی (صلعم) حق عالیلزنده (اللهم فقهه فی العلم و علمه
فی التأویل) دعای قدسیسیله اظهار توجه بیوردیلر . هجرتدن
مقدم شعب و بنو هاشم قبیله لری آره سنده پرورشیا کمال اولدی ،
بتون اصحابک افقهی و مجتهد مطلقدر . وسعت معلوماتندن
کنایه اوله رق ذات شریفلرینه (بحر) و (حبرالامة) دینلمشدر .
سلطان مفسریندر . حضرت عمر و عثمان رضی الله عنهما نکه
زمان خالافتلرنده مفتیلک و طیفه سنی ایفا ایدردی . « رسول
اکرم بکا حکمتله دعا ایلدی ، بیوردی . جناب عمر ابن ،
عباسه خطاباً « فحول فقهانک اکملیسک . عقلاً جملهمزک
احسنی سین ، دیمش . مشارالیه حضر تلمینه علوم عالیه مسائندن
هرنه سؤال اولنسه ایدی جواب و یرمکن عاجز قالمازدی .
حل مشکلات ایتک اوزره هر طرفدن کندیلرینه مراجعت
وقوعه کلیر و کثرت ازدحامدن حضور عالیلرینه الیشر الیشر
کیر یلیردی . بوکا ایسه ابو صالح مأمور اولمشدی . تأویلات
و حکم قرآنییه واقف ایدی . بر کون بر سائیل : « یا ابن

عباس ، (کانتارقتاً) الخ . آیت کریمه سنک معناسی نه در ؟
 دیدی . بیوردیلر که : * رختی سما ، سمانک یا غمور
 ویر مامسی ، رختی ارض یرک انبات ایده مامسیدر *
 سوز سویلدیکی وقت سامعینی غشی ایدردی . بیوردی که :
 * ای صاحب کنه ! سن کندیکی امین بیلمه ،


کنه اهریکه اصرار ایتش اولورسک . نتیجه ک وخیم
 اولور * ابن ابی ملک : « مکة مکرمه دن مدینه منوره یه ابن
 عباس ایله برابر کلدک . بتون کیجه تسبیح ایدر ، نماز قیلاردی .
 وجه مبارک لرنده کوز یاشی اکسیک اولمازدی . خشیه الله دن
 صباح لره قدر ناله کریه انکی زینی رفع بارگاه احدیت ایلردی *
 دیمشدر . نه چاره که او وجود عظیم الامثال آخر عمر نده
 نور بصر دن محروم اولمشدر . اطبا : « یا ابن عباس ، کوز کزمه
 معالجه قویمغه مساعدده ایدر میسکنز ؟ بش کون قدر آبدست
 آلاماکنز لازمدر » دیدیلر . « خیر بن نمازی ترک ایدم . زیرا
 حدیث شریفده وارد اولمشدر که نمازی قصداً ترک ایدن عذاب
 شدید کرفسار اولور » بیوردی . مسـعرابی کدام دیر که :
 « ابن عباس ترجمان قرآن عظیم ایدی ، نور جلیل محمدی
 یوزندن لمعان ایدر ایدی . بیک آلتی یوز آلتش حدیث روایت
 ایلمش و کندی لرندن بر چوق ذوات حدیث شریف نقله

ایتمش لردر . لحیه شریف لرینی حنا ایله بویاردی . لیلئه قدرک
 رمضان مبارکک یکر می یدنجی کیجه سنه تصادف ایتدیکنی بیان
 ایدن ابن عباسدر . بر کون حضرت نبی (صام) ابن عباسه
 خطاباً : «سکا بر قاج کله نافعہ بیان ایده می که دنیا و آخرته
 باعث نجاتک اولسون» * حضرت حق تعالی دن بر شیء
 طلب ایدر ایسه ک مشیت اللهیه یه التجا ایله . سکا بر
 نعمت احسانی مقصود الهی ایسه آکا انسانلر مانع
 اوله ماز * فرح حزن ایله ، کوجلک قولایلقله در .
 ابو نعیم حضرت لرینک بیانه کوره جناب پیغمبر (صام)
 ید سعاد لرینی ابن عباسک رأس عالیترینه وضع ایدرک : (اللهم
 اعطه الحکمة و علم التأویل) دیه دعا ایلمش لرینه ید منوره لرینی
 ابن عباسک کوکنه قویه رق (اللهم احسن جوفه حکمة و علماً)
 بیور مشلردر . بو دعای عالی یه مظهریتدن صکره هر مسئله یه
 جواب ویرردی . آشیانه عرفاتنده هر درلو طعام و فواکه
 موجود بولور ایدی . بر کون لسان دربار لرینک بر طرفه
 الیه اشارت بیوره رق : * سکا یاز یقلر اولسون . خیر سویله ،
 ثوابه نائل اولور سن . شر سویلر ایسه ک نادم اولور سن *
 دیه بر طرفند ده آغلار ایدی . بر کون مشار الیه حضرت لرینه
 «خائف کیمدر» دیه سوال ایدلمکله . * بر زمرة عابدیندر که

خشية الله دن قلبلری لرزه ناك اولور. آنلر او كده قبری،
 آرقه ده موتی کوریر لر. جوانی ویر مشدر * برخسته بی بر
 دفعه زیارت سنت، صکره مستحب اولور. بیوردیلر.
 مشارالیه حضرتلری حلیم وجسور ایدی. هرکسه حسن
 معامله ایدر ایدی. مدت عمرنده هیچ کیمسه بی اینجیتما مشدر.
 کوزلری اعمی اولدینی وقت صبر ایدر، شکایتی متضمن بر
 سوز کندیلرندن ایشیدلمزدی. طائفده یتیم یاشنده هجرتدن
 آلتیم سکنز سینه صکره ارتحال دار نعیم ایلم مشدر. رضی الله
 عنه.

پیغمبر ذی شان علیه الصلوة والسلام افندمن حضرتلرینک
 دار بقایه رحلت نبویه لرنده مشارالیه اون دوت یاشنده ایدی.






عبدالله بن عمر بن العاص رضی الله عنه حضر تلمی

اصحاب کرام میاننده ورع وتقوی ایله نام عالیسی شهرتیاب
اولمش بر مجتهد مطلقدر. کثرت عبادات و طاعات ایله مشار بالبنان
اولمشدر. بر انسان ایچون لازم اولان اوصاف عالیه نك جمله سنی
حائز جسور، زاهد، حکیم بر ذات ایدی. کنیه سی (ابو
محمد) در. پدری ایله آره سننده اون اوچ یاش فرق واردی. فقط
پدرندن اول اسلامیتی قبول ایلدی. جناب پیغمبر (صلم) حق
عالی لرنده اظهار التفات وتوجه بیوردیلر. قرآن کریمی چوق
تلاوت ایدر ایدی. کونلرجه خانه سنه قیانه رق مخافة الله ایله هونکور
هونکور آغلار ایدی. حضرت نیدن ائک زیاده حدیث روایت
ایدنلردندر. یدی یوز حدیث شریف روایت ایتمش وکنندیسندن ده
سعید بن المسیب کبی کبار محدثین روایت ایللمش لر در.
فم کهر بار پیغمبریدن (صلعم) شرف صادر اولان احادیث شریفه یی
ینه اذن پیغمبری (صلعم) ایله یازاردی. پدری قوم نجیب
قریشدن بر قیز ایله ازدواج ایتدیردی. فقط کثرت عبادتدن
زوجه سنك یوزینه بیله باقمغه وقت بوله مازدی. حتی بوندن
طولای پدری طرفندن حضور رسول اللهده شکایت اولنمشدر.

کلمات حکمت آمیزی پک چوقدر : عقلکیزک ایرمدیکی
 شیدلری ترک ایدیکنز * فائده سز سوز سویله میکنز *
 مزورلک وایکی دوستک آده سنی تفریق ایتک غضب
 خالق جلب ایدر. اکر سز بنم بیلدیکمه واقف اولسه
 ایدیکنز چوق اغلار ایدیکنز . برکون ذات مبارک رینه
 شرک اک فناسی ، خیرک اک ایوسی هانکیسی ایدر ؟
 دیدیلر * خیرک اک ایوسی لسان صادق ، صافیته مالک
 اولان وجدان ، امره مطیعه در. شرلرک اک فناسی ایسه
 لسان کاذب ، فناقلب ، امره غیر مطیعه در * جواب عالیه سنده
 بولمیشدر .

بیوردیلرکه * برکون حضرت نبی (صلعم) ه . یا
 رسول الله اسلامک هانکیسی خیر لیدر ! دیه صوردم .
 ققراپی اطعام ایلین وهر ییلوب بیلمدیکی مسلمانانه
 التفات ایدندر * بیوردیلر .



سفیان بن سعد الثوری رضی اللہ عنہ

کبار تابعین و محدثین کرامدن بر مجتهد مطلقدر. حدیث
شریف روایتده پک چوق غیرت عارفانه سی سبق ایتشدر .
الیوم مذهب عالینک تابعلری قلمامشدر. متقی، سخی، صبور
برزاهد حقیقت آشنا ایدی. طقسان یدی سنه هجریه سنده
قدمناهء عالم شهود اولمشدر. یوز الی بش سنه سنده کوفه دن
بصره یه عزیمت ایلدی. یوز آلتش برده حفرهء سعادت چکلمشدر.
نام عالسی قلوب امتده جایگیر اولان بر مجتهد ذی اقتدار
وزماننده ناسک اعلمی وافقهی ایدی. ایراد ایلدیکی کلمات
حکمت آموز دلداده ارباب عرفاندر: * بر کیمسه یکر می سنه
تحصیل ایتمینجه تفسیر و حدیث شریفه ال اوزا تماملیدر.
* بر قومک علماسی ارتکاب فسق ایدرسه جهلاسی
نه یا نماز؟ * اکر انسانلرک اغراض دنیادن عاری
اوله رق تحصیل علم ایده جکارینه امین اولسه ایدم
رضاء لله خانه لرینه کیدر، تعلیم ایدر ایدم * سنده